

西北稀見方誌文獻

第五十六卷

中國西北文獻叢書



中國西北文獻叢書·第一輯

西北稀見方誌文獻

第五十六卷



循
化
志

原
版
本
規
格

開本：二五四×一四五（毫米）
版芯：一九三×一二五（毫米）



循化自元明以來為河州邊外地清乾隆二十七年始移河州
同知治循化除番汛土兵其番民大半番回族也志載雍正
九年回民韓哈密控告訴狀自稱從哈密東三百六十年考之
即明太祖洪武四年越三十餘年永樂四年都指揮使劉釗
奏中左千戶一所貴德居住其分十七而保安為四屯其餘撥
自內地有曰吳屯者江南人也亦為河州人至清初歷年既
久之衣服飲食漸染戍風自川土人而人亦番民視之獨撒拉
回民日以繁行今為屯工有此謂番莊者蓋均皆之番族

而化於回者史等三百餘年耳江南丹州之人則化於番而番
則化於撒拉此亦民族史之一大可研究事也回拉魯建撒
拉森王國拉哈密迂回取以自號循化舊名撒拉川地以人
種名也志謂為人以地名非也志證考地理頗詳惟拉循
化城以北石山謂即水經注之唐述山東去風林不遠
風林今臨夏噶奇集則唐述山自有在後石岡北近或
以炳靈寺當之不在循化又數言也又番志帝置狄道郡
領狄道臨洮以閼等為縣見於番志以此云番志身狄道

郡亦為然誤乙丑四月巡按龐向古地自以水南過拉
布得番境出循化南行登望嶺山訪泚河源溯以至泚
州再入卓尼輿中得泚岷古海川西泚水縣志並
為改證備異日治邊地史者之稽覽焉臨泚鴻江
陳伯題於泚水行館



循化志卷之一



閩中海峯龍



金臺星泉李



建置沿革

循化廳在禹貢為雍州地



古積石山即大雪山元史所謂亦耳麻不莫刺譯言騰
乞里塔而誤指為崑崙者自巴顏喀喇山東來當黃河
北岸綿亘三百餘里上有九峯甚高中峯獨出冬夏積
雪百里外即望見之為西海以南諸山之冠實禹貢導
河之積石山非崑崙也番語以祖為阿木你以險惡為

麻禪以冰為母孫故呼為阿木爾麻禪母孫山猶言大
冰山也在西甯邊外西南五百三十餘里經度西十五
至十六度綿極出地三十四度三分水道提綱

雍州南界自西傾又西歷吐谷渾南至大積石自積石
又西歷吐谷渾南黨項白蘭之北至於黑水積石在吐
谷渾西南南枕橫支河曲禹導河自此始則湟水之南
積石之北西傾之西其為雍州之域無疑矣

禹導山水所行無外國地河自積石入雍域為中國河
禹導河自此始沿流而下直至於龍門則金城朔方之
河必不在戎翟界中可知也杜氏誤以龍支之積石為

禹貢之積石遂謂河湟之間自古為羌戎非中國所有
雍西南境虧地廣二千里輪千餘里矣 禹貢雖指

按今循化城北面過河不及一里有石山連巖聳
峙即水經注之唐述山唐人謂之小積石山杜佑
通典誤以為禹貢之積石者齊氏云小積石西十
四度極三十六度計西南去大積石五百餘里此
以度數推之徑直鳥道相距里數人行當不止此
以胡氏之言考之大積石已屬中國雍州之域小
積石更在其內數百里其為雍州之地更可見也
且廳地北與西甯接壤南與洮州岷州接壤西與

西甯之貴德廳接壤大積石在貴德西南邊外湟水在西甯西傾山在洮岷所謂湟水之南積石之北西傾之西廳地固在其中其為雍地無疑義矣在殷周為羗戎地

雍州西北二邊世有戎翟之患自夏桀時犬夷入居邠岐之間成湯既興伐而攘之及殷室中衰諸夷皆叛至於武丁征西戎鬼方三年乃克及武乙暴虐犬戎寇邊周古公踰梁山而避於岐下及太丁之時季歷伐燕京之戎我人大敗周師文王為西伯西有昆夷之患北有獫狁之難遂攘戎翟而戍之莫不賓服厲王無道戎翟

寇掠乃入犬丘殺秦仲之族宣王承厲王之後猷猷孔
熾整居焦獲侵鎬及方至於涇陽雍州之域為戎翟所
侵陵如此則其疆場未必能悉如禹貢今據周禮言之
正東曰青州其南則有揚其北則有幽而西則不然自
雍州以正西其西北西南兩隅皆缺焉而雍之西境如
西傾積石豬野流沙三危黑水之區皆沒於戎翟禹貢
之舊疆不可復問矣

按胡氏之言是也夏末德衰戎翟遂入中國殷周
之興但務文德不遑遠畧雖曰攘伐實未能復禹
服之舊也考之經史涇陽太原今之平涼固原也

當時已為邊境自平涼以西皆秦漢以後百戰得之者其初固戎翟錯居之地也內地如此口外無論矣

在秦為塞外地

按史記始皇使蒙恬築長城起自臨洮秦之臨洮今岷州也今二十四關正起岷州之界由東而西而北關內為河州關外為循化皆隨大山聯絡之勢相其崖谷為之疑即其遺跡後人踵而為者在漢為金城郡河關縣地

按漢志枹罕河關俱屬金城郡而大積石山乃屬

之河關西南塞外是河關縣為極邊其又在枹罕
之西可知也枹罕為今河州而循化在河州之西
是為漢河關縣地矣縣之治所今不得其處或謂
二十四關名雖非古要皆秦漢遺跡積石關下臨
黃河兼河與關縣之取名殆以此其治所當在積
石關內今俗所呼積石州之地然以水經注考之
河水東經允川歷大榆小榆谷北又東過隴西河
關縣北考漢書隴康相曹鳳上言大小榆谷土地
肥美又有西海鹽池之利西海即今青海是大小
榆谷即在青海左右而河關縣又與大小榆谷相

近今積石關距青海尚在數百里外非也且水經
注河水過河關縣後又歷西平郡界澆河故城石
城黃河城邯川城臨津城白土城而始至唐述山
唐述山唐人所謂小積石山今循化城北而隔河
之石山是也是河關縣在小積石山之西且相去
甚遠而今積石關乃在小積石山之東六十里是
河關縣治所不在積石關內也明矣以意求之當
在今貴德廳之東循化廳之西下龍布諸番寨之
地

其南為金城郡白石縣寨外地

白石縣灘水出西塞外東至枹罕入河

漢書地理志

灘水

導源塞外羗中又東北經石門口山疑即皋蘭山門也
漢武帝元狩三年驃騎霍去病出隴西至皋蘭謂是山
之關塞也灘水又東徑枹罕縣故城南又東北出峽北
流注於河水

經注

按灘水今俗誤呼為大夏河者也其水源出廳之
西南蒙古界內入廳屬南番哈家寨由捏貢川流
入土門關入河州界經河州城之南而東出洩湖峽
北注於河土門關廳注所謂石門口山也洩湖峽
廳注所謂東北出峽也是今廳屬南番二十一寨